



UNIVERSITÄTS-
BIBLIOTHEK
PADERBORN

Canones Congregationvm Generalivm Societatis Iesv

Jesuiten

Romae, M. D. XC.

Formula Congregationis Prouincialis.

[urn:nbn:de:hbz:466:1-68269](https://nbn-resolving.org/urn:nbn:de:hbz:466:1-68269)

FORMVLA CONGREGA-
tionis Prouincialis, in quarta Gene-
rali Congregatione recognita,
& approbata.

Dec. 57
Cōg. 4.

*In quibus casibus Congregationes Prouinciales
cogenda sunt.*

C A P V T I.



P. 8. c.
3. 5. 1.

P. 8. c.
4. 5. 7.

EX in casibus cogēda sunt Congre-
gationes Prouinciales, iuxta Con-
stitutiones octauæ, ac nonæ partis,
& Decreta. Primus est, ad ele-
ctionem Generalis in locum de-
mortui, nisi ille decedat ante dis-
solutionem Congregationis generalis, vel paulo
post, vt dicitur in Formula Congregationis ge-
neralis, paragrapho quinquagesimo tertio, &
quinquagesimo quarto. Secundus, si vnquam oc-
curreret, (quod Deus auertat) aliquis ex ijs ca-
sibus, propter quos in nona parte statuitur, alium
Generalem in locum viuentis sufficiendum esse.
Tertius, si Generalis, iudicio Assistentium, Prouin-
cialium, ac Prepositorū localium, Congregationē
generalē indiceret, vt est in declaratione octauæ
partis, capitis secundi, littera C. Quartus, quādo-
cunque Generalis vna cū Assistentibus, & Procu-
rato-

ratoribus, qui ex præscripto octauæ partis, capituli secundi littera B, & secundæ Congregationis, Decreto vigesimo quarto, tertio quoque anno ad Generalem Præpositum conuenire debent, generalem Congregationem cogendam esse iudicauerint. Quintus, ad eligendos tertio quoque anno huiusmodi Procuratores. Sextus, quando ipse per se Generalis ad aliqua magni momenti negotia generalem Congregationem conuocaret. Hæc vero omnia in solis Europæ Prouincijs locum habere intelligenda sunt: nam ceteræ extra Europam, neque more aliarum ad electionem Generalis conuenire possunt, neque tertio quoque anno Procuratores mittere tenentur.

Can. 29
Cōg. 2.

Can. 29
Cōg. 2.

P. 8. c.
4. 5. 2.

Ad quem pertineat Congregationem Prouincialem in unaquaque Prouincia cogere, locumque, ac tempus ad eam celebrandam præscribere.

C A P. II.

1 **S**pectabit ad Præpositum Prouincialem, vel eius loco ad Viceprouincialem huiusmodi Congregationem indicere, in quocumque ex prædictis casibus cogenda illa sit.

P. 8. c.
5. 9. 3.

3 Eiusdem erit, commodum locum ad eam celebrandam designare, & tempus præscribere, quod & opportunius videatur ad conueniendum, & satis sit, ut electi non solum ad locum, & diem in quo cele-

F 3 branda

In For. Congr. Procu. §. 1.
 branda est Congregatio generalis, aut Procuratorum, commode venire possint; sed etiam informationes, si quæ illis antequam proficiantur, dandæ sint, accipere. Et quidem quoniam Congregationi Procuratorum certum tempus præfixum est, nimirum ad decimum quintum Nouëbris; ideo pro sua opportunitate, poterunt Prouinciales suas Cōgregationes ad electionem Procuratorum cogere. Ad electionem vero Electorum, si ad eligendū Generalem venturi sunt, poterunt conuenire in Prouincijs remotis, quando illis commodum fuerit, quacunque via de morte Generalis certiores facti fuerint, etiam si nōdum litteras a Vicario accepissent. Non durabit autē Congregatio Prouincialis vltra decem, aut summum duodecim dies.

Qui congregari debeant.

C A P. III.

P. 9. c. 3. §. 1. & c. 5. §. 3. Can. 33 Cōgr. 1
 4 **I**N quocunque ex prædictis sex casibus Prouincialis Congregatio cogatur, intererūt, & ius suffragij in ea habebunt, primum quidem Prouincialis ipse, Præpositi Domorū Professarum, & ceteri omnes quattuor votorū Professi; exceptis Generali Præposito, Vicario Generali, & Assistentibus, Commissarioque, aut Visitatore, si quis tūc eo munere fungeretur; itemque ijs, qui ad eā Prouinciā non pertinēt, & iam in alia Prouincia Congregationi interfuerunt, aut ei, quæ in propria Prouincia celebranda est, interesse adhuc possunt, sine

sine detrimento negotiorum, quæ illis commissa sunt. Si tamen huiusmodi Professi admittantur, quod nec in alia Congregatione fuerint, nec existimentur posse ad suas Prouincias tempore peruenire, vt earum Congregationi inter sint, actiuum tantum suffragium ad electionem mittendorum habeant. Et si casu aliquo accidat, vt ad suas Prouincias ante earum Congregationes perueniant, illis non intersint, nisi ordinarij Superiores fuerint; hi enim ad sola negotia admittendi erunt, præter Prouinciales, qui ratione præsentia, & vniuersalis notitiæ, quam de rebus, & personis suarum Prouinciarum habent, etiam electionibus interesse, & in eis suffragium habere debent.

5 Intererunt quoque eodem modo Rectores Collegiorum Societatis, & Domorum Probationis, Itemque Rectores qui præsent Seminarsijs, vel Conuictorum Collegijs; dummodo nouem de Societate, vt minimum, in huiusmodi Seminarsijs, & Conuictorum Collegijs ordinarie habitent, & ipsa immediate Prouinciali subiecta sint. Nomine autem Prouincialis, Præpositorum localium, & Rectorum intelligantur etiam Viceprouinciales, Vicepræpositi, & Vicerectores, qui toto principalem Superiorum officio funguntur.

P. 8. c.
3. 5. 1.
& c. 5.
5. 3.

6 Eodẽ modo intersit cū suffragio Procurator Prouinciæ proprius, & si quis alius plurimū Prouinciarum Procurator esset; dummodo ea quoque Prouincia eius curæ commissa sit, & Procurator etiam generalis. Quod si nullus fuerit proprius eius Pro-

P. 8. c.
3. 5. 1.

uincię Procurator, veniat procurator maximi Collegij, satisque erit, si huiusmodi Procuratores Sacerdotes sint, vt interesse, & suffragium habere possint.

7 Omnes prædicti Congregationi intereunt, nisi legitime impediti fuerint, de quorum impedimentis ante Congregationem iudicabit, ad plura suffragia, Prouincialis, cum suis Cõsultoribus qui aderunt, & ceteris omnibus præsentibus, qui in Congregatione ius suffragij habent: exclusa semper ea persona, de cuius impedimentis agetur. Si tamen de alicuius impedimentis post coactã Congregationem dubitabitur, ipsius Congregationis iudicium expectandum erit. in qua si de impedimentis Prouinciali aduenientibus agendum fuerit, prærit eius loco Professus, quem ipse designauerit. Quod si prædicti Superiores, aut ij, qui plene eorum vices gerunt interesse non posse iudicati fuerint, integrum illis erit alios Sacerdotes ex sibi subditis, ac idoneos loco sui mittere.

P. 8. c. 3
S. 1.

8 Superiores Domorum, & Collegiorum antequam ad Congregationem Prouincialem proficiantur, informatione ab ijs accepta, quos ex suis doimesticis bene de rebus tractandis sentire iudicabunt (alijs interim non prohibitis, quominus ea, quæ volent priuato nomine, vel Consultoribus offerre, vel ad Congregationem Prouincialem mittere possint) ea cum suis Consultoribus conferât, quæ ad Congregationem Prouincialem sunt deferenda.

De

*De modo procedendi ante electionem
mittendorum.*

C A P. IIII.

9 **E** Lapso die ad conueniendum præfixo, post tri die mane affigantur parieti duo catalogi, vnus eorum, qui Congregationem ingressuri sunt, eo ordine, quo sedere debeant, & sententias dicere, alter eorum, ex quibus eligi possunt, qui ad Præpositum Generalem, Congregationemue generalem mittendi sunt. Prior ita conficiatur, vt ad dexteram Prouincialis describantur Professi quattuor votorum, iuxta cuiusque Professionis antiquitatem, siue Superiores sint, siue non: ad sinistram vero, reliqui omnes hoc ordine, vt primo loco sint Professi trium votorum; secundo Coadiutores formati; tertio, ceteri omnes, iuxta antiquitatem sui gradus in Societate. Posterior vero contineat omnes, qui eligi possunt, solos nimirum Professos quattuor votorum, qui sunt in Prouincia, siue illi præsentés sint, siue absentes, præter Prouincialem, & Commissarium, aut Visitatorem, si quis tum eo munere fungatur, ac eos denique qui sunt ex alijs Prouincijs, si quidem nullus eorum eligi poterit.

P. 8. c.
3 §. 1. &
lit. A. &
can. 29.
Cõg. 2.

10 Eodem die, vocentur ad signum campanæ quicumque affuerint ex ijs, qui ius suffragij ferendi habent: congregatisque omnibus, & dicto alternatim, ac submissa voce hymno, Veni Creator, cum oratione de Spiritu Sancto, habeatur primum breuis

breuis sermo a Præposito Prouinciali, vel ab alio per ipsum designato, quo exposita causa cur vocata sit Congregatio, & propositis in genere ijs, quæ in ea agēda sunt, omnes admoneantur vt sincere, & magna cum pace, quiete, & ædificatione in omnibus se gerant.

11 Deinde decernatur ad plura suffragia, num Congregatio legitima censenda sit. Quod vbi factum erit, videatur num suppleri debeant defectus aliqui circa personas, quæ conuenerunt, aut circa aliquid aliud, quod ad ipsam Cōgregationē aut congregandi formam pertineat. Possunt enim Patres legitime congregati (si modo duas tertias partes excedant) ad præsentem praxim dubia omnia terminare, quorum explicatio Congregationi perficiēdæ opportuna videbitur, quoties ea ex Constitutionibus, Decretisue, aut Generalium responsis colligi non potuerit, ac omnino supplere quicquid ad integritatem Congregationis spectare iudicauerint,

12 Tertio loco, eligatur Secretarius ad plura suffragia secreta, qui iuxta Prouincialem sedeat, & acta omnia Congregationis, & quæcumque ex ijs totius Prouinciæ nomine ad Cōgregationem generalem, vel ad Generalem Præpositum mittere sunt, scribat. Cui vnus ex Patribus, eodem modo electus adiungatur, qui ad colligenda suffragia, & reliqua scribenda ipsum adiuuet.

13 Eodē modo eligantur duo Deputati, ex primarijs Patribus quattuor votorum Professis, qui vna cum Præposito Prouinciali ad plura suffragia
(præsente

(præsente tamen semper, & excipiente Secretario quæ definita fuerint) seligant tam quæ post electionem mittendorum Congregationi proponenda sunt, quam si quid occurrerit, quod ad electionem pertineat; de quo proinde ante electionem videatur a Congregatione deliberandum. Porro in iudicio de rebus, quæ proponendæ sunt, siue ante, siue post electionem eorum qui mittendi sunt quemadmodum & de impedimentis personarum ante, vel post Congregationem propositis, vnum tantum habebit suffragium Prouincialis, duo autem in ipsa Congregatione, siue de personarum electione agatur, siue de rebus propositis deliberetur, & quoties in rebus tractandis paria fuerint suffragia, qualitatem præcedendi. Ad quemlibet autem dictorum quattuor deferre poterunt, qui ad Congregationem venerint ab ipso deputacionis die, quæcumque Congregationi proponenda attulerunt; ita tamen, vt post diem vnum, aut alterum ab electione mittendorum, nihil amplius deferre liceat.

P. 8. c.
5. 5. 3.

14 Simulatq; duo Deputati electi fuerint, assignetur dies, in quo mittendorum fiat electio: qui quidē ab eo in quo Congregatio inchoata fuit, tertius sit, aut ad summū quartus. Hoc interiecto tempore petenda est informatio de qualitatibus eorum qui mittendi sunt, atque ab ijs solis, qui ferēdi suffragij ius habent. Præter ea vero, quæ tam de mittendis ad Congregationem generalem, quàm de Procuratoribus, in octaua parte Constitutionū, & in secunda Cōgregatione dicuntur, hæc fere peti debent;

P. 8. c. 2
lit. B. &
c. 3. 5. 1
Can. 79
Cōg. 2.

bent; An rerum Societatis notitiam, & experientiam habeant; num studio ac zelo instituti nostri conseruandi; eiusque spiritum promouendi teneantur; an ea iudicij, & in rebus agendis prudentiæ, ceterarumque virtutum maturitate polleant, quæ decet viros, qui de rebus ad vniuersam Societate spectantibus deliberaturi sunt; an affectibus inordinatis duci soleant; & alia huiusmodi. Intererit etiam plurimum, si ij, qui ad Congregationem generalem eligendi sunt, magnam personarum Societatis cognitionem habeant.

15 Cum capiatur de personis informatio, illud præcipue cauendum est, ne vllus per se, vel per alium, ne indirecte quidem, se vel alium eligi, vel non eligi suadeat: sed fiant electiones sincere, & candide ex ijs, quæ Spiritus sanctus dignabitur suggerere, & ex informationibus cognita fuerint.

16 Si quis autem (quod auertat Dominus) ad sui, vel alterius electionem, vel exclusionem; ambitiose agere deprehensus fuerit, idque sufficienter probabitur, actiua, vel passiuæ, vel vtraq; voce priuetur in ea Congregatione tantum, & alijs pœnis (si id merebitur) subijciatur, iuxta delicti grauitatem, & probationis certitudinem. Iudicabunt autem causam hanc Prouincialis, & tres alij professione quattuor votorum antiquissimi. Quod si Prouincialis ipse notatus esset, aut alius ex reliquis tribus; etiã tunc quattuor antiquiores huiusmodi Professorum, excluso semper eo, qui notatus esset, de ea re cognoscent, & minimum tres ex illis, vt aliquis
dam;

damnetur, convenire debebunt. Quod autem de pœnis dictum est, in Prouinciali, ita locū habeat, vt tantum actiuo suffragio ad electionem priuetur: ceteras autem pœnas Præpositi Generalis iudicio subibit.

17 Nullus obtrudat informationem non petenti, caueantque informatores diligēter non solum mendacia, sed etiā amplificationes, & exaggerationes in laudādis, vel vituperādis eis, de quorū qualitatibus agitur, certa pro certis, opinata pro opinatis, audita pro auditis referentes, eum, a quo audiuerint, nominādo, & ad ipsum, eum, qui informationē petit, remittendo. Item ne, si quid, quod secreto seruari oporteat in informationibus intellexerint, alijs quam congregatis communicent. Quod si quis in huiusmodi errore deprehēsus fuerit, deferatur, & iudicio Prouincialis puniatur.

De electione mittendorum.

C A P. V.

18 **C**VM aduenerit dies ad electionem mittendorum designatus, mane, postquam Patres Sacrum fecerint, & in locum Congregationis conuenerint, facta breui coram Crucifixo oratione, in qua lumen diuinę illustrationis ad bonam electionem faciendam postulabunt, hunc in modum procedetur.

19 Siue eligendi sint qui ad Congregationē generalē, siue qui ad Congregationem Procuratorum proficiscantur, semper electio faciēda est per secreta suffragia, ad plura medietate. Quod si
 numerus

numerus omnium suffragiorum fuerit impar, maior pars ex duabus sufficiet.

20 Si in primis duobus scrutinijs nullus electus fuerit, dentur in tribus sequentibus, vsq; ad quintum inclusiue, inter eos tantum suffragia, qui aliquod suffragium habuerunt. In sexto vero, & ceteris deinceps sumantur tres, qui plura alijs suffragia habuerunt; & si qui his pares fuerint in suffragijs, etiã inter eos fiat electio, nisi post decimum scrutinium Congregatio malit compromissione uti; tunc enim eligetur ad plura suffragia secreta tres, vel quinque Compromissarij; & ille, qui ex ijs qui post quintum scrutinium suffragia habuerunt, electus fuerit a maiore parte Compromissariorum, pro electo a Congregatione habeatur. Porro Compromissarij ex presentibus eligantur, exclusis ijs, quos ipsi eligere possunt. Hi autem in electione Compromissariorum, neque actiuam, neque passiuam vocem habeant.

21 Qui ab aliquo Superiore impedito, ad Congregationem eius loco missus fuerit; vnum tantum habeat suffragium, etiam si ipse proprium ius suffragandi habeat, excepto eo, qui loco Prouincialis impediti adest, cui duo suffragia, quemadmodum & Prouinciali competunt, præterquam cum agitur de impedimentis ipsius Prouincialis. Porro infirmus in eadem domo, habeat suffragium ad electionem mittendorum; ad negotia vero tractanda, prout Congregationi vitum fuerit.

22 Si agitur de mittendis ad Congregationem
gene-

generalem, quinque Professi quatuor votorum eligi debent. Primum quidem duo comitaturi Provinciam, deinde tertius, vt ex eo, & duobus predictis cōficiatur ille ternarius, ex quo vnum Provincialis suo loco mittere debet iuxta declarationem octauæ partis, capituli tertij, littera B. si impeditus legitime iudicabitur. Postremo addatur quartus, & quintus, vt hi tres qui in substitutos electi sunt, eodem ordine quo electi fuerunt, subrogentur in locū eorum, qui legitime impediti proficisci non possunt.

P. 8. c.
3. s. 1.
& lit. A.
& c. 6.
lit. B.
4. 203

23 Si agitur de electione Procuratorum, qui tertio quoque anno ad Generalem mittuntur, eligendi sunt duo Professi quatuor votorum; vnus primo loco, & alter secundo, qui subrogetur in locum prioris, si ille impeditus legitime iudicabitur. Ceterum nec Provincialis, nec Cōmissarius, nec Visitator aut qui ad aliam Prouinciam pertinet, in Procuratorem eligi poterit.

Ca. 29.
Cōg. 2.
In For.
Congr.
Procu.
s. 1.

24 Prouinciæ extra Europam, eodem iure vti possunt in mittendis suis Procuratoribus, quo ceteræ vtuntur. Verum propter distantiam locorum, nauigationisque difficultates, & alia impedimenta, quinque eis priuilegia in hac re cōceduntur. Primum, vt non teneantur mittere Procuratorem, nisi sexto quoque anno. Secundum, vt si commode mittere non possint Professum quatuor votorum, saltem mittant trium votorum Professum, aut Coadiutorem spirituales formatum, sicut denique aliū Sacerdotem, quem ad id munus idoneū iudicent. Tertium, vt ij qui ius suffragij habent in in Cōgregatione,

tione, suffragia sua de cogenda, vel non cogenda
 Congregatione Prouinciali, Procuratoris eligen-
 di gratia scripto ad Prouincialem mittere possint.
 Can. 13 Quartum, vt si cogēda non videatur, Prouincialis
 Cōg. 4. cum suis Consultoribus, qui aderūt, & ceteris om-
 nibus præsentibus, qui in Congregatione ius suf-
 fragij habent, Procuratorem eligant. Quintum,
 vt ius ferendi suffragij habeant in ijs Prouincijs
 omnes Superiores, quibus Generalis Præpositus
 ius suffragij pro bono earum Prouinciarum con-
 cesserit; etiam si Viceprouinciales sint aliquarum
 partium suarum Prouinciarum, aut Præpositi plu-
 rium locorum, aut etiam locales Superiores præ-
 cipuarum Residentiarum, prout magis in Domi-
 no expedire iudicauerit.

25 Itaque Prouinciales extra Europam conue-
 nienti temporis spatio, ante futuram singulis triē-
 nijs Procuratorū Congregationē, scribent ad ab-
 sentes, qui in Congregatione Prouinciali suffragij
 ius habent (modo sint ex ijs, à quibus responsum
 tempore haberi possit) primum quidem, si nondū
 expletū est sexenniū, an iudicent nihilominus mit-
 tendum esse Procuratorem: Deinde, nū existimēt
 Congregationem Prouincialem cogendā esse: Po-
 stremo, quisnam illis in Procuratorem, qui etiam
 in eius substitutū videantur eligendi: si Congrega-
 tionem maior pars cogendā non esse cēsuerit. Tū
 vero accepta responsione, conuocabunt ex præsen-
 tibus eos, qui ius suffragij in Congregatione Pro-
 uinciali habent, & coniunctis omnium votis, ad plu-
 ra suffragia decernent, nū mittēdus sit Procurator
 nondum

nondū expleto sexēnio, & si sit, an eius eligēdi cau-
sa Congregatio sit cogenda: quod si cogenda nō
videatur, & tamen mittendus Procurator sit, vo-
catis, si videbitur, Professis vicinis, & Superiori-
bus, proferet absentium vota de ijs, quos mitten-
dos iudicant (quæ tantum consultiua erunt, pro
maiori præsentium notitia) & ad plura præsentium
medietate suffragia, Procuratorem, eiusque sub-
stitutum vnum, aut etiam alterum eligent; fiat au-
tem hæc electio in aliqua Domo, aut Collegio ex
celebrioribus Prouinciæ,

Supra
S. 24. &
Ca. 13.
Cōg. 4.

26 Omnibus autem ijs, qui à Prouincijs extra
Europam prædictis modis electi ad Generalem
mittuntur, datur auctoritas vt interesse, & ius sut-
fragij habere possint, in quacumq; Congregatio-
ne, quæ à Generali cū Procuratoribus, vel à Gene-
rali solo indiceretur, vel quacumque ratione ad
electionem noui Generalis fieri cōtingeret, ante-
quā illi ad suas Prouincias reuertantur. Quoniam
autē & hi ex decreto quadagesimo sexto Cōgre-
gationis quartæ suffragiū habent in electione Ge-
neralis, si Professi quattuor votorum, & ad hoc ele-
cti fuerint, ideo semper si tales Professi fuerint, ad
hoc etiam eligantur,

Can. 13.
Cōg. 4.

27 Quæ autem impedimenta excusare debeāt
vel Prouincialē, vel aliquē ex electis, quominus ad
Congregationē generalē, aut Procuratorū se con-
ferat, si Cōgregatio quidē necdū fuerit dissoluta,
ipsa constituet: si vero dissoluta fuerit, statuat Pro-
uincialis eodē modo, quo ante Cōgregationē iudi-
care potest de impedimētis eorū, qui Congrega-

In For
Congr
gen.
S. 24.
&
Ca. 13.
Cōg. 4.

supra

G tioni

tioni Prouinciali interesse debent, vt supra parapho septimo.

28. Porro vt sincere procedatur, non est ferendum iudiciũ ante mittendorũ electionẽ, de impedimẽtis eorũ, qui ad Congregationẽ generalem, aut Præpositũ profecturi sunt, etiam ipsius Prouincialis, aut Viceprouincialis: sed vnusquisq; iuxta informationes quas accipiet, suã conscientiã consulat de qualitatibus eorum, pro quibus suffragiũ ferendum putat. Facta autem electione, tum demum de eorum impedimentis deliberari poterit; si tamen ea ab ijs ipsis proponantur; alioqui de ea re nulla fiat consultatio, nisi alicuius impedimẽta adeo manifesta essent, vt de ijs minime dubitaret.

De rebus tractandis post electionem.

C. A. P. VI.

29. **P**OST electionem mittendorum, agendũ est de rebus, quę vel Congregationi generali, vel Generali Præposito nomine Prouincię proponenda sunt. Intelligat autem in primis Congregatio non sibi licere quicquã statuere, præter ea, quę ipsi in hac formula expresse conceduntur. Quocirca nec innouare quicquam poterit, nec immutare ex ijs, quę a Superioribus ordinata sunt.

In For. Congr. gen. s. 66. & 68.

30. Intelligat, ne consultationis quidẽ, prætextu, atq; adeo vt Cõgregationi generali proponatur, de substãtialib⁹ instituti nostri, agere sibi integrũ esse; sed ijs positis quasi fundamẽtis de ceteris, q̄ ijs cõseruãdis, ac promouẽdis cõsentanea videbũtur, quęque

quæque Deputati cum Prouinciali maioris momenti esse iudicauerint, & quæ possint tempore Congregationi præscripto absolui, tractari poterit. Licebit tamen vnicuique ea, quæ a Deputatis reiecta fuerint, in Congregatione proponere, vbi illa expedita fuerint, quæ a Deputatis probata fuerunt: modo non agatur de substantialibus nostri instituti, aut de personis: hæc enim ne ad Deputatos quidem referenda sunt. Ad Congregationem vero generalem, aut Præpositum Generalem quæcumque ipsis visa fuerint, priuato nomine subscripta libere transmittere poterunt.

31 Ordo tractandarum rerum, cum mittendus est Procurator, hic erit, vt priori loco agatur de rationibus, quæ cuique occurrunt, an cogenda, vel non cogenda sit Congregatio generalis: posteriori de negotijs, rebusque alijs cum Generali nomine Prouinciæ tractandis. Ex ijs autem rationibus, quæ pro cogenda, vel non cogenda generali Congregatione allatæ fuerint, præcipuæ quæque seligantur, & addatur vtrâ in partem plurimum propenderit sententia: ac seorsum scribantur, vt ad maioré status Societatis cognitioné ab ijs, qui ius suffragij in Congregatione Procuratorum habent, priuatim perlegantur. Tamen si eius Prouinciæ Procurator eam sententiâ in ferendo suffragio sequetur, quam auditis ceteris Procuratoribus, & rationibus in vtramque partem ex vna quaque Prouincia allatis, ijsque Patribus, qui cum Generali versantur, magis in Domino probauerit.

In For.
Congr.
Procu.
s. 6.

32 Quæ auté posteriori loco tractanda sunt, eo

G 2 spectare

ſpectare debent, vt Generali Præpoſito veram, & vtilem notitiam de ſtatu Domorum, & Collegiorum, ac totius Prouinciæ, vniuerſaque eius adminiſtratione, necnon de obſervatione eorum, quæ a Superioribus ordinantur, afferre poſſint. Et vt ipſe in ijs, quæ in ea Prouinciâ deſiderantur, & ſub Generalis prouidentiam cadunt, opportune proſpiciat. Nã de ijs rebus, quibus ſola generalis Congregatio prouidere poteſt, tum agendum eſt ſolũ, cum electi fuerint, qui ad eam mittendi ſunt. In prædictorum autem tractatione, meminerint omnes ita de Prouinciæ adminiſtratione, & neceſſitatibus agere, vt ſiqua Superiorum perſonã attingere videantur, debita, ac religioſa cum modeſtia dicantur. Quod ſi quis perſonã potius ſugillare, quã negotia tractare videatur, eum Prouincialis ſui officij admoneat: nec exiſtimet quiſpiam libertatem in dicenda ſententia impediri, cum in modo agendi iuxta caritatem, & modeſtiam dirigitur.

33 Rerum tractandarum determinationes ad plura ſuffragia ſimpliciter definiantur, neque in eis interceſſio permittatur, vt citius expediri poſſint; cum præſertim de eo tantum agendum ſit, num proponendæ videantur generali Congregationi, aut Præpoſito Generali, & quæ nam ſit de ijs plurium ſententia. Licet autem cuique, alijs auditis, mutare ſententiam, antequam res omnino concludatur. Porro quæ tranſigentur in actione vna, in ſequenti a Secretario legantur, vt Congregatio intelligat, ſint ne omnia recte excepta, & explicata, an non.

34 Omni-

34 Omnibus expeditis, dictoque alternatim,
 & submissa voce hymno, Te Deum laudamus, sub
 scribet Secretarius tum acta Cōgregationis, tum
 seorsim rationes de cogenda, vel non cogenda
 Congregatione generali, tum etiam seorsim ea,
 quæ generali Congregationi, aut Præposito Ge-
 nerali nomine Congregationis Prouincialis pro-
 ponenda sunt, omniaque sigillo Prouinciæ mu-
 niet. Ac ea quidem, quæ ad indictam generalem
 Congregationem mittenda sunt, Prouinciali tra-
 dat; quæ autem ad Generalem Præpositum, Pro-
 curatori assignabit: qui ijs acceptis, non discurret
 per Prouinciam, plenioris informationis su-
 mende gratia: sed quæ illi a Prouincia-
 li, vel ab alijs scripto, aut verbo
 commendabuntur, vt ea Præ-
 posito Generali refe-
 rat; sincere, ac fide-
 liter eorum no-
 mine eidem
 propo-
 net.

In For.
 Congr.
 Procura.
 §. 8.